

Vedtekter for skulefritidsordninga (SFO) i Osterøy kommune

Vedteke av heradsstyret: _____

Revidert og gjeldande frå 01.08.2022

1. Eigartilhøve

Osterøy kommune er eigar av skulefritidsordningane (heretter kalla SFO). Ordningane er drivne med heimel i Opplæringslova § 13-7, retningsliner og krav som gjeld for tildeling av statstilskot, samt dei til ei kvar tid gjeldande kommunale planane og vedtektene.

2. Formål

SFO er eit frivillig omsorgs- og fritidstilbod før og etter skuletid for born på 1.-4. årstrinn, og for born med særskilde behov på 1.-7. årstrinn (jf. Opplæringslova § 13-7).

SFO skal tilretteleggje for det enkelte barnet si utvikling, gjennom kommunikasjon og sosialt samspel, med fokus på barnets beste, og med leik som aktivitet. Barn leikar for å lære gjennom leik. Barna skal ha moglegheit til aktivt å nytta si fritid til allsidig leik, kultur og fritidsaktivitetar med utgangspunkt i barnet sin alder, funksjonsnivå og interesse. Dette skal skje i nær forståing og samarbeid med føresette.

Verdigrunnlaget til SFO skal byggje praksisen sin på grunnleggjande verdiar som kjem til uttrykk i formålsparagrafen i Opplæringslova § 1.

Verdigrunnlaget skal formidlast og praktiserast i alle delar av arbeidet i SFO og prega innhaldet og arbeidsmetodane.

Verdiar som skal vektleggjast er:

- Eigenverdi til barndommen
- Tryggleik, omsorg og trivsel
- Mangfald og inkludering
- Skaparglede, engasjement og utforskartrøng
- Demokrati og fellesskap
- Berekraftig utvikling.

3. Opptaksmynde og opptakskriterium

Det er rektor som er ansvarleg for opptaket. Alle barn på 1.-4. årstrinn, og barn med særskilde behov 1.-7. årstrinn som søker innan fristen 1.mars, vil få plass.

Barn som flyttar internt i kommunen og som har plass på SFO, skal få tilbod om plass i SFO ved den skulen dei flyttar til.

4. Opptaksperiode og oppseiing av plass på skulefritidsordninga

Hovudopptak for hausten skjer om våren med søknadsfrist **1.mars**. Fortløpande opptak kan skje gjennom året om bemanning og lokalitetar tillèt det.

SFO-året byrjar 1.august. Opningstida er i tidsrommet før og etter skuletid 07:30-16:30. Søknad om plass skal sendast elektronisk til rektor der eleven har skuleplass. Tildeling av plass, eller avslag på søknad om plass og oppseiing av plass er eit enkeltvedtak etter forvaltningslova §2. Eventuell klage blir å senda til skulen. Klagefrist er 3 veker. Endeleg klageinstans er Tenesteleiar skule.

Tildelinga av plass gjeld frå startdato til og med 4.trinn. Barn som har fått plass på grunn av særskilde behov frå 5.trinn, har plassen til og med 7.trinn, eller til plassen vert sagt opp.

Oppseiing og endring av plass må skje elektronisk. Frist for oppseiing og endring av plass er ein månad rekna frå den 1. i påfølgjande månad. Ved oppseiing etter 1.april må ein betala til og med juni månad.

Ved flytting frå kommunen gjeld oppseiingsreglane.

5. Opningstider

SFO-året byrjar 1.august og sluttar 30. juni. Opningstida er i tidsrommet før og etter skuletid 07:30-16:30.

På følgjande barneskular vert det gjeve heilårstilbod (11 månader) med atterhald om minst 10 påmelde innan **1.mars**: Lonevåg skule, Valestrand skule, Haus skule og Fotlandsvåg skule.

Osterøy kommune har open Haust-, Jule-, Vinter- og Sommar- SFO. Dette er eit tilbod for dei som har som har heil-, halv- eller korttidsplass på SFO, gjeldande 11 månader. Tilbodet er inkludert i heiltidsplass. Føresette som nyttar halv- eller korttidsplass må betala ekstra for dette tilbodet utover dei timane dei har til vanleg. For å kunne nytta tilbodet må dei som nyttar heil-, halv- og korttidsplass melde seg på innan påmeldingsfrist. For dei som har 11 månaders -plass (heil, halv eller korttidsplass), må likevel melde seg på til desse feriane innan fristen for å kunne nytte tilbodet. Haust-, Jule-,Vinter- og Sommar- SFO vil bli samlokalisert på Lonevåg skule. SFO- personalet på Lonevåg og SFO – personalet frå dei andre skulane vil bemanna dette tilbodet. Administrasjon av dette tilbodet blir gjort av SFO- leiarane på Lonevåg- og Valestrand – SFO, i samarbeid med SFO – leiarar på Haus skule og Fotlandsvåg skule.

Påmelding til SFO i feriane skjer på eige skjema, som ein finn elektronisk på kommunen si heimeside eller på «Min Skole- app for føresette». Påmeldinga er bindande.

Søknadsfristen for desse tilboda er 4 veker før haust-, jule-,vinter- og påskeferie, og 15.april for sommar- SFO.

SFO vil vera stengd på 6 av skulen sine planleggingsdagar, jul- og nyttårsaftan. Onsdag før påske stengjer SFO kl.12. I juli månad er SFO stengt. SFO i Osterøy er open 11 mnd. i året. Dato for planleggingsdagane er fastsett i gjeldande skulerute for kommunen. Planleggingsdagane er samanfallande med skulen sine planleggingsdagar.

6. Foreldrebetaling

Foreldrebetaling vert fastsett av Heradsstyret i samband med den årlege budsjetthandsaminga. Berekinga skjer etter sjølvkostprinsippet med utgangspunkt i § 13-7 i Opplæringslova. Fakturering skjer 11 gongar pr. år for barn med tilbod om 11 månader. Juli er då betalingsfri månad. Barn som har tilbod om SFO 10 månader, betaler for 10 månader. Juli og august er då betalingsfrie. Prisauke skal varslast 1 månad på førehand. Kvar SFO kan i tillegg krevja inn matpengar. Kravet blir sendt ut i samband med betaling for opphald.

Følgjande opphaldstider vert lagt til grunn for fastsetjinga av betalingsssatsar:

Tilbod	Pris per februar 2022
Heil plass 15 t/v eller meir	2500
Halv plass 10 -14 t/v	2200
Korttidsplass 1 - 9 t /v	1900
Dagsats	300
Sats enkelttimar	70
Kriseplass(per veke)	770
Gebyr ved for sein henting	275

Det vert fastsett dagsats for tilfeldige heile dagar og betalingsssats for ekstra timar på SFO.

Dagsats er gjeldande for dei som har halv- eller korttidsplass på SFO, men skal ikkje nyttast som ei fast ordning. Kjøp av dagsats eller enkle timar skal berre vera til tilfeldig/sporadisk bruk, og ikkje som ein fast avtale. Då viser ein til satsar for fast plass. Påmeldingsfrist for å nytte dette tilbodet er veka før ein har behov. Dei føresette må avklara med lokal SFO- leiar om det er mogleg å nytta tilbodet. Den lokale SFO- leiaren må vurdera og ta omsyn til om bemanning og lokalitetar tillèt det.

Manglande betaling og for sein henting kan føra til tap av SFO-plass.

Alle aktivitetar, òg heildagstrurar i skulen sin ferie, skal vera gratis og tilgjengeleg for alle born i SFO som nyttar/ er påmeldt på tilbodet.

Plassen kan seiast opp av kommunen ved vesentleg misleghald av betaling. Før eventuell oppseiing skal føresette få ei skriftleg melding for å få moglegheit til å rette opp i forholdet. Oppseiing av plass i SFO kan skje med ein månads varsel ved vesentleg misleghald av foreldrebetaling. I vesentleg mislighald legg ein tre månaders uteståande betaling

Redusert foreldrebetaling

Det er mogleg å søka reduksjon i foreldrebetalinga for SFO 1. – 4. årstrinn. Årleg foreldrebetaling i SFO for eleven skal ikkje utgjera meir enn 6% av inntekta til hushaldet. Ordninga gjeld for kommunale skulefritidsordningar.

Ein søker om redusert foreldrebetaling på skjema som ein finn elektronisk på kommunen si heimeside eller på «Min Skole- app for føresette». Føresette må betale inntil søknaden er handsama. Det blir ikkje gitt reduksjon i foreldrebetalinga med tilbakeverkande kraft, men frå og med første heile månad etter at søknaden er mottatt av Osterøy kommune. SFO kan krevje kostpengar utanom innvilga reduksjon.

7. Tilpassa plassar

I vurderinga av opptak av barn med særskilde behov på 5.-7. trinn, vil kommunen lytta til råd og vurderingar frå ulike instansar som kjenner barnet, t.d. PP-tenesta, som kan ha nyttig informasjon om fungeringa og behova til barnet. Utgangspunktet er at barnet har særskilde behov som òg medfører omfattande tilsynsbehov. Barnet må kunna gjera seg nytte av SFO-tilbodet. Foreldra kan få krav om å betale for kost.

Barn med særskilde behov har ikkje rett til spesialundervisning i skulefritidsordninga, då skulefritidsordninga ikkje er ein del av grunnskuleopplæringa. Kapittel 5 i Opplæringslova gjeld berre for grunnskuleopplæringa.

Barn med plass av sosial/ pedagogiske årsaker, betalar per time. Timane må avtalast på førehand.

Det er egne satsar for kriseplass, dagplass og enkelttimar. Kontakt den einskilde SFO for meir informasjon.

8. Måltid

Det blir servert eit måltid kvar ettermiddag. Føresette gjer direkte avtale med lokal SFO om kva tal dagar ein ynskjer å ha mattilbod. Tilbodet er valfritt.

Matpengesats for mat i SFO- tida er:

- 2 dagar: 90 kroner per måned
- 3. dagar: 120 kroner per måned
- 4. dagar: 150 kroner per måned
- 5. dagar: 180 kroner per måned

9. Forsikring

Elevane har kollektiv ulukkesforsikring i den tida dei er i skulen/SFO, samt på direkte veg til og frå skulen/SFO. Skulen/SFO er ikkje erstatningspliktig for klede, sko, briller eller gjenstandar barna har med seg eller som vert borte/øydela i skule/SFO si opningstid.

10. Leike- og opphaldsareal

Skulefritidsordninga har skulen som lokasjon. Borna i SFO nyttar skulen sine leikeområde og leikeutstyr. Kvar skulefritidsordning definerer sine uteområde utifrå dei lokale forholda.

Bygg og uteområde skal vera godkjente i h.h.t. miljøretta helsevern. Skulefritidsordninga er ein del av skulen sitt helse, miljø og tryggleiksansvar.

Føresegn i Barnekonvensjonen artikkel12 og kapittel 9A i opplæringslova er gjeldande for skulefritidsordninga, jf. § 9A- 1. Etter § 9A- 2 har alle elevar rett til eit trygt og godt skulemiljø som fremjar helse, trivsel og læring.

11. Lokal bemanning og leining

Rektor er administrativt, økonomisk og fagleg ansvarleg for drift av den einaskilde ordninga innanfor rammer som er satt av lov, forskrifter, vedtekter og budsjett.

Skulefritidsordninga skal ha eigen leiar, SFO-leiar, dersom det er fleire enn 23 barn. SFO-leiar får delegert mynde frå einingsleiar til administrasjon av skulefritidsordninga, fagleg utvikling og dagleg personaloppfølging, og er ein del av skulen sitt leiarteam.

Kompetansekrav til SFO – leiar i full stilling skal ved nyttilsetting vere minimum 3-årig pedagogisk høgskule/universitetsutdanning. I dei andre stillingsheimlane skal det, så langt som råd, tilsetjast fagarbeidarar i barne- og ungdomsarbeidarfaget. Tilsette med anna relevant utdanning og/eller realkompetanse, vil også vera aktuelle.

Det skal som regel ikkje vera meir enn 15 barn pr. tilsett. Bemanninga kan styrkast ytterlegare for å ivareta barn med behov for særskild oppfølging, dette i tråd med sakkunnig vurdering.

12. Foreldremedverknad og Samarbeidsutval

Samarbeidsutvalet på skulen er styre for skulefritidsordninga.

SFO- leiar har møte- og talerett i samarbeidsutvalet ved skulen i saker som gjeld skulefritidsordninga. Det skal i samarbeid utarbeidast rutinar og arbeidsformer som gjer borna og føresette medverknad på innhald, organisering og rutinar for drift, her under lokale vedtekter.

Foreldre til barn i SFO skal også være representert i skulen sitt foreldreråd (FAU) som også er foreldreråd for SFO. Det skal veljast foreldrerepresentantar på lik linje med ein vanleg klasse. Foreldrerådet sitt arbeidsutval (FAU) skal då utvidast med ein representant frå skulefritidsordninga, eller ein av klassekontaktane på 1.-4. steget kan ha dobbel funksjon. Kravet då er at foreldrerepresentanten med dobbel funksjon har born i SFO. Dersom foreldrerepresentanten har dobbel funksjon, har den også dobbel stemme.

13. Barnet sin rett til medverknad

Barn har rett til medverknad og skal få gje utrykk for sitt syn på den daglege virket i SFO jf. Grunnloven § 104 og FN sin barnekonvensjon art.12, nr.1. Born skal aktivt delta i planlegging og gjennomføring av innhaldet samt i arbeidet med helse, miljø og tryggleik ved skulefritidsordninga.

14. Lovverk

For SFO gjeld følgjande delar av Opplæringslova: §13-7 Skulefritidsordninga, §14-1 Statleg tilsyn, §15-1 Bruk av forvaltningslova, §9A Elevane sitt skulemiljø, §10-9 (første og fjerde ledd) Politiattest og forbod mot tilsetjing, §11-1(første ledd) Samarbeidsutval ved grunnskolar. I Forskrift til opplæringslova gjeld §12 Tryggleik for elevane.

15. Tilsynsmynde

Statsforvaltaren i Vestland fører tilsyn med skulefritidsordninga.

16. Politiattest, teieplikt og opplysningsplikt

Alle som skal tilsetjast i skolefritidsordninga, må legge fram politiattest som syner om han eller ho er sikta, tiltalt eller dømt for seksuelle overgrep mot born. Personar som er dømt for slike overgrep, kan ikkje bli tilsett i skolefritidsordninga, jf. opplæringslova § 10.9

Dei som har sitt virke i skolefritidsordninga, har teieplikt etter reglane om teieplikt i forvaltningslova § 13 til 13 f.

Tilsette i SFO har meldeplikt og opplysningsplikt ovanfor barneverntenesta, jf. Lov om barneverntjenester §§ 4-10, 4-11 og 4-12 og Opplæringslova §§ 15-3, 15-4.

17. Skyss

Barn har som hovudregel ikkje rett til skyss til og frå skulefritidsordninga. Dette gjeld sjølv om barnet har rett til skyss til og frå skulen.

Barn som har plass i skulefritidsordninga, og som på grunn av nedsett funksjonsevne eller midlertidig skade eller sjukdom har behov for skyss, har rett til skyss til og frå skulefritidsordninga. Retten gjeld uavhengig av avstand mellom heim og skulefritidsordning. Retten gjeld ikkje i skuleferiane. (jf. Opplæringslova § 7-3).

18. Klage

Klage på enkeltvedtak (opptak, oppseiing, endring av opphaldstida) kan påklagas etter Forvaltningslova kapittel VI. Eventuell klage blir å sende til skulen. Klagefrist er 3 veker. Endeleg klageinstans på vedtaket skal sendast til Osterøy kommune v/Tenesteleiar skule.